



21163

kat.komp



Mag. St. Dr.

P

*Haraburda Janusius Hanis: Liliatum Tysanum.*

PANEG. et VITAE

Polon. Fol.

N<sup>o</sup> 1480.







# LILIETVM TRYZNANVM

*Illustri ac Reverendissimo Domino*

## D. MARTIANO TRYZNA

DEI ET APOSTOLICÆ SEDIS GRATIA  
EPISCOPO MALLENSI, COAD-  
iutori Episcopatus Vilnensis, Abbati Va-  
chocensi, Canonico Vilnensi Trocensi  
& Geranonensi Præposito

M. D. L.

PROCANCELLARIO,

*Cum novis in Ecclesia & Republ: auctus honoribus  
Vilnam primum ingrederetur.*

Per

IANVSSIVM STANISLAVM HARABVRDA  
Eloquentiæ Aud: publico Academiæ nomine

EXHIBITVM.

---

V I L N Æ,

Typis Academiæ Societatis IESV  
M. DC. XLII.



IN STEMMA Ill<sup>ss</sup>mi ac R<sup>nd</sup>ss<sup>mi</sup> Domini  
D. PROCANCELLARII.



21.163<sup>III</sup>  
N<sup>u</sup>nquam florescunt nisi pulchro Lilia vere,  
Ver igitur TRYZNÆ Lilia semper habent.  
Florida iam poteris semper Lituania dici,  
TRYZNARVM, quo sis florida, campus habet.



*Illustrissimo Ac Reuerendissimo Domino*

**D. MARTIANO TRYZNA**

PROCANCELLARIO M. D. Lith.

Episcopo Mallensi &c. &c.

*Domino Colendissimo.*

**I**Ncolarum à mari Erythræo quon-  
dam mos fuit flores, in tributum fer-  
re: nunc **ACADEMIÆ VILNEN-**  
**SIS: ILLVSTRISSE DOMINE.** Con-  
suetudinem eius populi edocuit illam, **AD-**  
**VENTVS TVVS;** tributariam fecit stu-  
dium obsequendi. Neq; enim illa poterat fa-  
teri sincerius hilaritatem aduenienti, nisi flo-  
res porrigeret; neq; nos amæniùs Tua præ-  
sentia contingere, nisi **LILIA** nascerentur.  
Humanitatis quoque consilium erat, Hospi-  
tem per Hortos deducere, in quibus gloriæ  
compendia legeret, & **TRYZNANIS LI-**  
**LIIS** spectarentur Musæ Hortulanæ. Atq;  
vt iucundior apud Te foret hæc animi testi-  
ficatio, ituro in eruditas manus tuas muneri,  
**LILIA** pro signo posuit, ex quibus constaret,  
in Hortis Palladis pro Te flores nasci, quibus  
coroneris. Erant quorundam adeò fertiles  
A 2 plantæ,



plantæ, vt quidquid calcarent rosam produ-  
ceret, Tibi omnia quæ in manum admiseris,  
veriori fertilitate recrescent in Lilium. Hoc  
etiam obsequentis Tibi ACADEMIÆ offi-  
cium, vbi benigna dextra dignatus fueris, si  
quid laudi tuæ minus floridum est, à manu  
tua accipiet amænitàtem. Mea quoque, vnà  
cum publicis, Illustrissime Domine, in herbe-  
scente adhuc ætate obsequia, liliorum com-  
mendatione, beneuolè admittes, & tot men-  
tibus, quot vniuersitas gerit, animatum, in  
Tuorum numerum admittere, alienum ab  
hac quam geris dignitate non putabis. Ad li-  
liorum enim, quæ florum reges Poëta appel-  
lat, maiestatem attinet, minorem horti po-  
pulū, clementi aspiratione in suum vocare fa-  
mulatum.

*Illſſmæ ac Rndſſmæ Celsitud: T.*

*Obsequijs paratus*

IANVSSIUS STANISLAVS HARABVRDA  
Auditor Eloquentiæ Acad: Vilnen.



# HORTVS FAMILIÆ.

**D**VM Te magnum Senatorem celebris ador-  
rat Lithuania, & in salutationem lilia-  
tas premittit dexterās, amēniūs inter tua  
lilia, & florentium animorum hilaritatem,  
deuote Tibi Academia creuit Salutatio Ill<sup>ss</sup><sup>me</sup> Dñe.  
Quidni in laudes tuas efflorescat, quæ sub flore suam  
in te vult commendare amenitatem. Habet certē  
suos Oratio flores, quibus Te inscribat: sunt qui Te  
componant de literis literarum Patrem: Sed pulchrius  
tuis inscriptum liliis, magnitudo gloriae tuæ legendum  
Te proposuit. Ingredior itaq; nobilissimum Lilietum  
vestrum, ut magnorum Heroum nominibus inscriptos  
legam flores. At quid potissimum in amplissimo Hor-  
to vestro admirabor Illustrissima TRYZNARVM  
Lilia? Eripit vocem in ipso limine maiestas gloriae,  
& audaciam attenuat eloquentia, cum in magnificam  
laudis formam Lilia vobis sponte efflorescunt. Jamq;  
cogebar in eorum ire partem, qui pretium rerum stu-  
pore, magnitudinem admiratione venerari solent: ni-  
si pulcherrimus herbarum nexus, splendidum horto ve-  
stro scripsisset titulum, & iucunda viriditate oculis  
necessitatem imponeret legendi. Nouo siquidem na-  
turae miraculo, Lilia in fructum literas generarunt,  
ex quibus viuum prodiret Elogium: Ad MAGNA  
NASCI TRYZNARVM EST. Didici itaq; in-  
terprete Lilio vestro, magnas hic nasci animas, & vel  
solo floris apparatu dignissimos in publicum prodire  
TRYZNAS. Hic enim verissima nobilitatis labor est,  
difficilibus atq; arduis procreari, neq; consortium pri-



uata labis admittere debet, quod eminentioribus splendide natum est. Ita crescunt Lilia vestra, quae plebeijs altius supereminet herbis, & vulgo submota, proficiunt usq; ad Regium inter flores nomen: horti enim vestri ad magna incrementum est. Et magnis certe flos vester semper nutriebatur honoribus, dignissima Senatorij ordinis ornauit subsellia, neq; amplioris officij sedes erat, quam non merita vestra obtinuissent. Ad tanta autem vos Illustris vester sanguis instruit, obsequia in Patriam deduxerunt, exempla maiorum commendarunt. Non aliter sicut herbis euenire solet, dum aliae sublimius eunt, aliae veluti spectantes quâ progrediendum sit humiliter sequuntur, omnes mutuûm inspiciunt, ut emulentur, & genium infundant imitationis. Et quamuis Liliûm Pij Augusti in nummo spem publicam Romano Imperio ostenderit, tutius tamen Respublica Polona sperabit in vestro flore, qui lineamenta in nummo non requirit, ut sibi spem emat, aut pretio in estimationem & fidem excrescat. Satis est virium virtuti vestre, ut in spem publicam sufficiatis sine nummo, quos Patria prestantiores nummis habet. Neq; tamen prorsus eripio Lilieto vestro Liliûm Augusti, cum in Illustissima Domo vestra augustiores Augustos numerare possum. Quid enim Illustissimus PETRVS TRYZNA PALATINVS PARNAVIENSIS? non ne spem publicam in nummo Patria alebat? cum utili thesaurorum suorum iactura commodum Reipublice querebat? Amplissima illi manus spargere nummos ad numerum liberalitatis, in quibus Lilia ad gloriam crescerent, & aurea merita in Patriâ sonarent. Exiguam ille & infra animi sui magnitudinem illam liberalitatem posuit, seipsum impendere salutem Reipublice, nisi etiam secum sua impenderet, ut coniunctis in maius robur auri & ferri viribus, splendide



didè & fortiter integritati Regni militaret. Non illi parsimonia fundum faciebat, quem amor Reipublice liberalem fecit; non tenuitatem parcitas persuasit, cui sacra auaritia publicæ fortune curam consulebat. Ita prodigus est qui se filium agnouit patriæ, ad tam magna venire manu potest qui altiore sensu nobilitatis, intrauit gloriæ veritatem. Athenienses Ducem belli Phrynicum posuerunt propter solam canendi peritiam; nonne suauius canit publico solatio, qui neruum belli mouet pecuniam, patriæ in presidium. Oraculorum quondam sententia fuit, ad victoriam argenteis pugnare telis; nunc Tryznarum, quibus & argentum contra hostem, & pectus ferreum sufficiens, Et certè Martij ingenij est, id pro stipendio ducere quod amisti; Compendium reputare quod communis necessitas dispensauit. Aureum te fecisti Patriæ Illustrissime Palatine & alter Augustus expectationem spei liberaliter expleuisti, unde non immeritò audias.

Thesauri nunc sunt collecta pecunia, Regnis,  
Thesauri fortes ante fuere viri.

Nunc quoq; si pretium dare vellet iustior orbis,  
TRYZNAM thesaurum diceret esse suum.

Nondum sterile in viros seculum Tacitus condemnabit, in quo Tryzne florent: nondum effeta natura Plinio erit, cum laudatissimos, Hortus vester producit Heroas. Habet enim quod ingentibus oculis exhibeat, cum senatum summorum virorum altiori maiestate orbi porriget; si tamen porrigendi sunt illi, qui in oculis Regni totius semper steterunt gloriosi. Vidimus immortalem illam animam GEORGIVM TRYZNAM Marschalcum Stonimensem; qui magne fortune arbitrio, in Campo Martis, ingentem fortitudinis opinionem consecutus est. Pulcherrimam enim ille militaris gloriæ laudem, laboribus bellicis sibi fabricauit,



bricauit, cum adolescentiam inter pericula educaret,  
iuuentutem Moschouitico & Vallachico bello consecra-  
ret, ut tam illustri obsequio Stephano Poloniarum Re-  
gi, & Patriæ pretiosus esset: Nonne satis magnificum  
incrementum est? primam ætatem spei publicæ enutrire,  
& ut pectoris sinceritatem experiatur patria, per san-  
guinis dispendium in testimonium ire? Quantus ocu-  
lus nostris magnum Lithuaniae decus, **PAVLVS TRY-**  
**ZNA?** qui in egregij pectoris commendationem, **CA-**  
**STRORVM PRÆFECTVM** publico gessit officio.  
Et digne tam eminens cura tanto pectori incubuit, ut  
essent quibus salus Prouinciarum sub custodiam crede-  
retur: & castra animo ferret, qui castra metari inter  
delicias haberet. Ita nihil deest ad commendandum  
Hortum vestrum quod non natium sit, & de proprio  
vos esse **MAGNIFICOS** appareat. Crescant æterni-  
tati lilia vestra, ut maturas summis rebus offerant vi-  
res. Poëta inscribet lilio.

Quid prognata velint in vestris Lilia ceris,

Ferre potest causam candor, odorq; suam.

Clara viris meritisq; stetit Respublica vestris,

Sunt TRYZNÆ decus, & dulcis odor Patriæ.

Duxi adhuc in eximium hortum vestrum Garciam  
Sextum Nauarra Regem, primus contra Diuini no-  
minis hostes, Martio simul & cælesti inuento; Equitem  
lilij constituit. Sed se vix Regem putauit, ubi nouum  
Garciam Illustrem Dñum **NICOLAVM TRY-**  
**ZNAM**, Thesaurarium Magni Ducatus Lithuaniae,  
in bellicosissima stirpe vestra conspexit. Pari ille  
ingenio, octingentos grauioris armaturæ Milites, con-  
tra Moschos, & Suecos, in defensionem Reipublicæ sub  
lilio duxit. Quantus tunc in hostem, quantus in arma  
fuit? cum spiritum omni periculo audaciorem animo-  
sus ferret, & strenuè Reipublicæ viueret, Ruebat tunc  
animosa



animose menti, quidquid alijs metus horrendum posuit; addebant audaciam pericula, Mortes vitam infundebant, & quod aliorum animis ruinam fecit, ipsius roborauit. Tam fortis est, quem spiritus patrie animauit, tanta audet, cum quo glorie cupiditas militat. Non soli Clodoueo scutum Lilijs floruit, florent etiam nunc TRYZNANA, & hostium sanguine irrigata, in hostiles animas reuiuiscunt. Quid ad vincendum toties audaces Moschi? porrigebatis vobis fatalem herbam, velut alij Lacedaemones, ut victas manus non armis sed herbis ferendis vix idoneas erubesceretis: spectastis liliū, & palmas agnouistis. Quid feruidiores ad arma Sueci? bellum excitastis, ut vinci vos puderet; sperastis messem victoriae in herba, sed à lunæ radiis maturescere non potuit, contagionēq̃ hausistis potius quam odorem liliorum. Ita TRYZNARVM LILIA habent odorem quo reficiant patriam; habent horrorem, quo vulnerent hostem. Sanè ridiculus ille exercitus, qui arundinetum pro castris, metu malè interpretante, pedibus ad fugam exhorruit; sed à LILIIIS pr̃stigati, quam ridendi sui exhibeant materiem? Audies igitur vir fortissime seculorum laudem, qui ruinis hostium eternam tibi fundasti immortalitatem. Leges grata tibi Patrie testificationem, quā ut verior THESAURARIVS esses, in curas pro thesauro recepisti, receptam signasti securitati. Non deseret Te claritas tumultatum, quam superstes ferro elaborasti: obliuio non eripiet, quam armis expulisti, & sepulchrum magni pectoris hospitium Lilia demonstrabunt. Quibus fama adscribat. In campos proprium demitte Polonia visum; Nunquid non campis lilia digna tuis? Arma salus tibi sunt: at pulchrè publica Regno TRYZNANO potuit crescere flore salus.

C

Sunt



Sunt qui lilia pro sceptris gerunt, & ad maiestatem Regum exornant diademata: & decet reges florum, ut regali floreant manu, & Regium coronent caput. Tutissimum enim omne, quod intra manus Regum est, & feliciter deponitur, quod in caput admittunt Reges. Quis vero non vestra LILIA Regiam circumstare coronam affirmet? quoties Illissima Domus vestra decora, Regum exornarunt aulas, & bene meritis regios animos sibi deuicerunt? Diceret MANIPVLVS cui ad obsequia vos alligastis, ut prima estas vestra, sub Regum serenitate maturitatem acciperet. Nam si credendum est cuiuspiam Reipublice imaginem contemplati, Regem ex subditis formatum esse: & Praefectos quidem vicem oculorum subire, Iudices pro auribus, Senatores ad motum mentis esse. Quid Illissimi CONSTANTINVS & THEODORVS TRYZNÆ, alter Podlachæ, Smolenscensis alter CASTEL LANVS? nonne Regis corda erant, quia Senatores? Quid GEDEON & PAVLVS TRYZNA? Dapifer M. V. Lithuaniae vnus, alter dapum Incisor? nonne illos Regias manus esse, officiorum argumentum comprobabit? Nec mirum inter Regalia insignia, LILIVM quoque vestrum misceri, Cum enim Plutarcho Rex in solio sol sit, quæ altius crescunt, soli propiora sint necesse est. Etiam si in questionem veniret Virgilius,

--- quibus in terris inscripti nomina Regum  
Nascantur flores? ---

Illissimæ domus vestre LILIA pro se loquerentur: in quibus Serenissimorum Regum Humanitatem, Benevolentiam, (hæc enim nomina regum sunt) crescentem, & veluti inscriptam totum legit regnum. Non crescunt Lilia nisi ad solem, & Serenitates Regie floribus lucere non possunt, nisi in illis suam ponant lucem. Et iam

Non



Non solæ terræ gestabunt Lilia , Regum  
Scit manus , & magnum lilia ferre Caput.  
Quantus sunt regno TRYZNARVM LILIA  
splendor!

Quando Coronari flore Corona cupit.

Tu quoq; nobilissimum *Lithuanie* sidus illustrissime  
MARTIANE TRYZNA: quantum familie hor-  
tum exornasti! Vbi de te cogito, magnum mihi Thea-  
trum exhibes dignitatum. Video enim candidissimum  
LILIVM TVVM, publico admotum Sigillo, cuius  
prestantissima gemma, ita resplendisti: ut non soli  
adamantes essent, qui nobiliori metallo darent lucem.  
Priuatum reputasti bonum, suo magnum esse honori,  
in multorum vero utilitatem crescere, vitam esse lilio-  
rum: ac proinde, ut *Lithuaniam* tua cura obsignares,  
Sigillum *Lithuanie* admisisti. Effloruit præter tem-  
poris consuetudinem, hortus Cosmi Medices, ut illi  
*Florentie* principatum in flore maturaret: Tua L I-  
LIA creuerunt, ut te VICECANCELLARIVM  
*Lithuanie* coronarent. Ut vero ad plenum glorie flos  
tuus perueniret, par erat illum in sacris conspici fa-  
stis, ut celos quoq; afflaret, quo iam olebat terra.  
Habent enim quiddam sanctitatis LILIA, ut inno-  
centiam nutriant, cœlestem Agnum qui pascitur inter  
lilia. Et videntur mihi sidera amenitatem induisse,  
dum in vernantissima familia vestra suum ver conspe-  
xerunt; Quantum verò Hortus vester incrementi pol-  
liceri sibi debet, cui astra ipsa serenitatem afflant!  
quantum spectare Ecclesia cui sidera ornamentum fo-  
uent? Magni quidpiam præsagire videtur ani-  
mus, & nouo plenus aestu ad Lynam vel  
inuitum rapit vatem.



# O D E

*Amenitatem Horti Tryznani explicans.*

**D**amnate cæcum barbita vesperum,  
Fides sub artem tendite, præuiæ  
Errore dextræ, dulce carmen  
Magnificas date præter aures.  
Loquuntur auræ: luditur, & suas  
Iam iam recurrit ars vaga per fides,  
Sibiq; respondere Nerui  
Tryzna mei mihi Tryzna cantus.  
At quis virenti contra oculos stetit  
Hortus corona? duxit in areas  
Ordo voluptatem, refixæ  
Historias recitant tabellæ  
Rerum beatas: pinxit originem  
Vetusta magni gloria sanguinis,  
Cerasq; auorum, resq; gestas,  
In varias dedit ire classes.  
Audax in ipsis hæreo vultibus,  
Mentem virorum suscito consciam,  
Diu sciendis hæsitauit  
Mens animis, & imago fallax.  
Sic fluctuantem me & dubium mei,  
Magistra rerum Fama, leuans suis  
Mentem peregrinam tenebris,  
Voce viros loquitur perita.  
Hæc est sepultæ nescia gloriæ.  
Magnisq; semper nominibus potens,  
Tryznana Maiestas parentum  
Egregijs bene nota sellis.

Hinc



Hinc nemo vitæ natus inutili,  
Nemo paterno publicus angulo.  
    Expendit ætatem: indecentis  
    Desidiæ reus atq; labis.  
Et siue nunc is sit generosior,  
Maiorq; laudis, qui vitiosior,  
    Malis resistat nil inausum,  
    Nec fluidum bonus auocabit.  
A labe passum: militat efficax  
In crimen orbis, dant animos mali  
    Exempla facti, sæpe vidit  
    Discipulos scelus omne multos.  
Nunc æmulantes de vitijs, nefas  
Commune ponunt; & paribus male  
    Certant triumphis, attigisse,  
    Aut vitijs superasse laus est.  
Sub legē liber. Nemo animi suus,  
Regnoq; mentis seruitium imperat,  
    Et iura libertatis, infra  
    Imperium sceleris recumbunt.  
Virtutis hæres rarus, opum frequens;  
Pulchreq; natum, non auido calet  
    Pectus decoro, non paternæ  
    Vena animæ est ad honesta proli.  
Non hic potestas imperat hæc: bono  
Deuota TRYZNÆ pectora nomini  
    Magnasq; sic scripsere mentes,  
    Marte Genus viget atq; laude:  
Et iam probatos viuere publica  
Sub luce: splendor dignius extulit,  
    Magnos Senatores, & altos,  
    Corde Duces, animoq; Martem.

D

Et hic,



Et hic, decorè cui dominam manum  
 Honor Serenat publicus, & caput,  
 Pulchrum Tiarâ. MARTIANVS  
 TRYZNA Atauûm Proauûmq; splendor.  
 Videte quo sum ductus amabili  
 Sermone famæ? rursus in aureas  
 Recurro rursus MARTIANI  
 Nominis ingenijq; laudes.  
 Fides sonôræ ludite, dum licet,  
 Dum vana curis, otia ludite,  
 Dulciq; motu aduerberatis  
 Fama Lyris Dominum loquatur.  
 O ergo magnis TRYZNA Parentibus,  
 Ardens paterno tramite gloriam  
 Adire, Maiorumq; plenis  
 Spiritibus penetrare laudem!  
 Procede magnus: & similis tuis,  
 Ad alta pectus ducito nobile,  
 Famamq; famâ, luce lucem  
 Laude pari fabricato laudem.

## FAMILIÆ HORTVS.

*Ab Illustrissimo & Rndmo Procancellario  
 Decus & Ornamentum.*

ΠΑΝΤΟΤΕ ΑΝΘΩΣΕΙ ΕΝΙ ΤΡΙΖΝΩΝ ΛΕΙΡΙΑ ΚΗΠΩ:  
 ΗΛΙΟΣ ΕΣΤ' ΙΕΡΕΥΣ, ΛΕΙΡΙΑ ΦΩΤΙ ΦΥΕΙ.

*Item.*

*Lilia florebant TRYZNARVM semper in Horto,  
 Sol est Antistes, lilia luce fouet.*

HOR-



## HORTVS PALLADIS.

**M** Agnum Te licet ad publicam lucem splendor  
maiorum tuorum deduceret Illissime Anti-  
stes & Senator, Nondum tamen ad cur-  
sum gloriæ satis te instructum putasti, ni-  
si literarum maiestatem, in contubernium clarissime  
nobilitatis acciperes. Noluisti ad tam altos honorum  
gradus solo sanguine niti, nisi sapientiæ vires aduo-  
casses: ut statim Reipublicæ fulcra ostenderes, quibus  
eam sustentares, Neq; alia necessitas pulchram tibi in-  
dixit peregrinationem, ut urbium Dominam, mundiq;  
caput respiceres, extraneos mores videres, & in Roma-  
no sapientiæ Capitolio, Diuinarum scientiarum Prin-  
cipem Aquinatem perdisceres. Debueras enim in ar-  
ce mundi magnus comparare, & illum Spiritum, quo  
fortia & loqui & facere Romanum erat, prægustare.  
Quantus tibi tunc animus publicis se ipsum formare  
commodis, Ingenium ad Rempublicam, & ad scientias  
facere, linguarum varietatem, pulchro nexu & peri-  
tia natiuæ coniungere, Ne solus Demosthenes esset cuius  
ore Græcia loqueretur; aut soli Neapolitani sapientes  
patriam gubernarent. Liceat igitur Illissime PRÆ-  
SUL diuinare, & magnum Reipublicæ Oratorem ap-  
pellare.

Non se Romanus iactet Cicerone Senatus,

Non solus voces hic Ciceronis habet.

At neq; sola sui Demosthenis ore loquetur,

Græcia: si Ausonium TRYZNA referre potest.

Tu quoq; non muta es Lechi Respublica TRY-  
ZNA,

Multa habet in causas ora diserta tuas.



Et iam securius tuis humeris incumbunt grauiores  
Reipublicæ cura, tu prudenter sustines. Jam magna  
negotia tuo supplicant consilio, tu securitatem prouides.  
Iam sacra vertici superponitur tiara, ut prodatur  
enutritu literatis cogitationibus ad Infulam Caput, tu  
dignè excepisti. Nam quod caput honor dignius exornauit,  
quàm illud, à quo Respublica præsidium esset habitura?  
Quis verò non beatum Regno statum ominetur; ubi premia ex merito sunt, neque aliud optimi et  
sapientissimi Regis argumentum, quam boni sapientesque  
Senatores? sint sanè, qui ut splendidius incedant, aureis ad  
dignitates eunt gradibus, vel ut cursum sine lassitudine  
absoluant, difficilem sapientiæ euitant tramitem; fortius  
progredietur, cui doctrina ad gloriam gradum admouet, et  
gressum literæ succinxerunt. Neque nouum est quibusdam, ut cum  
purpura induant verecundiam; qua miseram animi erubescant  
sortem, cum ad honorum lucem non inueniant literarum apparatus,  
illi enim ad id publicis officijs eunt, ut corpus ad honoris  
reuerentiam tractent, mentem cultu eruditionis destitutam cum  
pudore toties inspiciant. Quid illi? qui ne in vulgo lateant,  
arrogantia intumescunt, ut magnos animos ferant, ambitione  
eriguntur: ne in æmulum incidant, supra omnes efferuntur.  
Nonne ementitam inuocant lucem? ut quia mentis humilitate  
assurgere non possunt, tumore superbiæ efferantur. Altius  
respexisti SENATOR AMPLISSIME: cum in literarum Choragio  
Magnificus esse voluisti, et ad grauitatis ostentationem,  
Sapientiæ auctoritate animum stipasti. Non paruam ostendisti  
solertiam, cum ingenij ope lucem quæreret: ut non genere  
tantum, sed re, et ore Te TRYZNAM ostentares. Vere igitur  
SAPIENTISSIME SENATOR erudito animo, orna Rempublicam  
verissimis prudentiæ ornamentis,



mentis, ut in horto quoq; vestro Pallas se gaudeat constitisse. Agnouit vos Respublica manu milites, animo duces, audiet sermone Senatores. Nos inter eminentes dignitatum fasces Palladiâ nectemus lauream.

Quæ non ad doctam properaret Laurea frontem?

Si foret ad frontem, Laurea digna tuam.

Non opus est fertis alienam quærere laurum,

Nam tua quæ tibi sunt lilia, Laurus erunt.

Et quem dignius honorabunt literarum obsequia? aut cui laudem exactius laborabunt, si te patronum prætereant? Non adeò sunt impolite liberales disciplinae, ut, etiam dum transeunt, Te non adorent, cui securitatem debent. Ostendisti enim te defensorem, cum inermes literæ iniuriam paterentur; Stetisti pro libertate, dum contra iura ageretur; amorem fassus es, cum in partem sapientiæ sollicitas curas retorqueres. Agnouit hoc beneficium Academia Vilnensis Societ: JESV: nec unquam magis liberè se mancipauit, quàm cùm se tibi obstrictâ perpetua gratitudine aduerteret, & hanc felicitatem obtineret, ut tuæ laudi seruiret. Habent iam suum Herculem Musæ, qui non minus robusti animi putet esse, cogere ad ruinam muros, quam Arces literarum conseruare, hostes sternere, erigere sapientiam. Habent, qui equalis operæ premium censeat; Lauro exornari, & Ciuicam, aut Muralē Coronam, in commendationem fortitudinis accipere. Neq; potest tam alta pro sapientia cogitare, nisi qui sapiens est. Cui enim inter augustas Reipublicæ curas, communis esset literarum & boni publici cogitatio? nisi qui felicissimè utilitati Reipublicæ ingeniosus esset. Quis patrociniū sapientiæ promitteret? nisi qui Pater literarum dignissimus haberetur. Aperuisti hac pietate literis ad Te viam, quâ Te semper comitentur & fortem manum quam in tutelam porrexisti, audacius



daciùs adibunt. Ita ingenio gloriam ubiq̃ promoues  
factis magnificentior, quàm auspicijs; Alexandrumq̃  
superas, qui preciose Homeri librum conseruabat, non  
fortiter. Nemo citra contumeliam dicet, Hortum Tu-  
um sterilem esse, in quo ex LILIS Tuis nata est  
pro sapientiæ templis securitas: Nemo angustam  
iudicabit gloriam, quæ etiam in ornamenta literarum  
sese diffundit, ut non maximi tantum nomen retineas  
magnitudine lucis, sed & optimi communicatione.  
Multum adhuc debent Tibi literæ Mecenas colendis-  
sime: quas eo euexisti, ut senatorem tecum agerent, &  
Pontificia coronarentur mitra. Quàm felices tunc tri-  
umpharant curæ? quas pro sapientiâ in capite Insula  
coronasti, & cum Sigillo Lithuanie in magnam ma-  
num accepisti? Jam si verum Sallustianum illud est;  
LITERÆ FVLGIUNT ÆTERNITATI, pro  
Te dictum puta. Si quos habet fontes eloquentia, tuis  
LILIS spera vigorem sempiternum. Dabis interim  
vacuas & amicas aures Musis, ad Lyram Tua LILIA  
celebrantibus.

## O D E

*In qua Laudes Sapientis canuntur.*

**F**Alluntne mentem? num vacuæ sui  
Vmbrae pererrant? quis mihi inhorruit  
Aulæ tumultus? quæ eminentem  
Turba retro dominam sequuntur?  
Illi supellex aurea, floridi  
Lauro capilli, vultus amœnior,  
Ridet voluptatem, nouemq̃  
Stant domino lateri sorores.

Agno.



Agnosco magnæ nomina Palladis,  
 Agnosco Musas. Sed, quod acu nouum  
 Opus laborant? sumptuoso  
 Feruet honor grauis vnione;  
 Gemmæq; gemmas, & venerabilem  
 Incendit artem sol adamantinus;  
 Ardet peregrinis Tiara  
 Diuitijs satis erudita.  
 Semperq; prodit se speciosior,  
 Nouisq; semper peruigil ignibus,  
 At sic sedentes ad laborem  
 Artifices cecinere Musæ.  
 Non ille demum venit ad vltimum  
 Laudis theatrum, quem titulis genus  
 Promouit altis, aut in ipsa  
 Aura tulit popularis astra.  
 Æterna labe: si simul assidet  
 Ad purpuratum pectus inertia,  
 Vnaq; maiestate honoris,  
 Insuper sapiensq; risit.  
 Claram recludet luce Calumniâ  
 Illiteratus, fidere perpuræ,  
 Vehatq; magnas eminenter  
 Plebeios animos per vmbras.  
 Semper beatus: cui solidè sacras,  
 Cultum per artes pectus, & æmulam  
 Sibi maritat lirerarum,  
 Nobilitas animusq; lucem.  
 Non ille turpis seruus inertiae,  
 Efflagitatis diues honoribus,  
 Labi serenas quæret vmbras,  
 Cultu animi miser eruditi.



Magnus videri, qui sapiens; suæ  
 Vir eruditus regna scientiæ  
 Habet. Sibiq; adstat pro honore  
 Scena animi sapientioris.  
 Implere Mitras frons generosior  
 Quæ docta. Multis pectora literis  
 Attrita, rubræ purpurarum  
 Dignius incubuere luces.  
 Non indecorus progredieris: Te Honor  
 Vbiq; grandi prosequitur gradu;  
 Laudesq;, & ingentes beati  
 Nominis adcomitantur aulæ.  
 Ad dignitates Te comes aureas  
 Doctrina ducit: viuere publico  
 Bono potentem, strenuumq;  
 Magnificis humeris paternum,  
 Fulcire cœlum: crescite LILIA,  
 Matura tantis LILIA honoribus  
 O TRYZNA lauro, LILIISQ;:  
 In celebres reuiresce palmas.

## LILIA TRYZNARVM.

*In Palladis & Sapientiæ Horto secura.*

ΕΝ ΤΟΥΤῳ ἈΝΘΗ ΒΑΣΙΛΕΥΕΙ ΑΚΙΝΑΥΝΑ ΚΗΡΩ  
 ΠΑΛΛΑΣ ΕΘΙΣΑ ΟΡΟΥ, ΧΗΜΑ ΝΟΤΟΣ Τ' ΑΠΕΩΝ

*Idem.*

Hoc uno tuti flores dominantur in Horto,  
 Namq; ubi Pallas erit, Bruma Notusq; aberit.

HOR.



## HORTVS PATRIÆ.

**N**ihil fortè militari gloria detrabet, qui Patriam nostram ferro asperam & indomitā, delicata horti mitigāre appellatione, & à gladijs, qui in Polonæ amplexu dextera radicem fixerint, ad flores molli transferat oratione. Cognati nempe ferro sunt flores, & nullus ager commissum semen inuiolato & iusto gramine in spicam educauit, quin constanti prius vulnere, & plus unā cicatrice, ferreum exceperit vomerem. Gladij nostri, tela, & quidquid Mars armorum iustā explicat acie, instrumenta sunt, quibus tot Agricola quot milites, plantant Regna & Imperia; palmas serunt, & victorias; Sectis prius & distributis, in tot areolas, quod pagos & ciuitates prouincijs. Hinc ille Romani Dominijs flos & vigor ab agricolis plantatus Fabricijs, eò tandem continuis incrementis suum promouit fastigium, ut tanto orbem exiret vertice, quanto capitis arx, subiectam despicit membrorum molem, nempe summo. Enim verò unde hæc tot porrectæ spatiis in pulcherrimam tot urbium fertilitatē Prouinciæ? unde in tot exspatiata gentes libero imperio Polonia? unde hæc pacis ubertas qua tot annorum sustentamus tranquillitatem & otium? Ad lucem nempe ferream adoleuit & victricibus folijs umbram misit in aëra, cumq; maiorum nostrorum sanguis spem tantum fertilitatis leui gramine protrusisset in apertum, nunc demum ad Serenissimi VLADISLAI victorias, velut solem tam maturo fructu consummatam accepit altitudinem, ut liberalem semper subministrarit admirationem, quā vicinarum, gentium pasceret inuidiam; quorum hortis licet sol vicinior calorem liberiori



beriori indulget radio nostra tamen hyems tali incal-  
scit estate ad emulationem, et quamvis exterarum  
partium horti arborum diuites nostrorum quoque alant  
edificiorum Maiestatem, quos natura immitiori fidere  
damnavit ad hyemem, nulli tamen Polonia palmam  
concesserit unquam, nulli herbam porrexerit: licet hinc  
Turcica Luna terribili nube imbres cogat in procellam  
et nimia saepe instet Horto nostro, hinc Moschus ini-  
micam hyemem mordaci acuat gelu in nostros flores, in-  
teger flos Polonae libertatis, nullo interpellatum Nouẽ-  
bre Maium inuiolata retinet areolarum fide. Quis  
hic florem nobilitatis arcto compendio in strictum urge-  
at manipulum, ubi iucundo errore in semetipsum im-  
plicatus tot areolarum, quot familiarum Labyrinthus  
ceco semitarum gyro oculorum destituit curiositatem,  
et dum varietatis voluptas distrahit visum in singula  
et ambiguam hinc inde transfert oculorum curam, fit  
ut imperfecta notitia nullam transfundat in animum  
voluptatem. Longum esset tot illustrium familiarum  
stemma sollicito digerere ordine ut iustis in hortum  
consentiret areolarum, legibus; et hinc flores varij ve-  
lut in cuneos secti pulcherrimam aciem explicarent, hinc  
arbores amenam umbram a sole in terram proiectam mediũ  
suae scenae amplexu interciperet viriditatis theatrum:  
nec sepium deesset fidelitas, quae arceret furum petu-  
lantiam, nisi Sarmata generosa libertate hanc in pecto-  
ra sua transtulissent appellationem, qui toties proba-  
runt orbi Polonum non alios habere muros praeter pe-  
ctora, inuicta sanè propugnacula, quae ubique parato ro-  
bere circumferunt nunc si opus obijcienda hosti nunc ad  
eludendos ictus prudenti ignavia submouenda; saxa  
certè caeca pertinacia excipiunt Martis iniurias, quia  
saxo inutilis victoriae mora. Verum enimvero quan-  
quam reliqui flores non humili, enitantur gramme ad  
caeli



cœli affinitatem, Tuum tamen Illſſm̃e Procancellarie  
 Liliū eo poſſedit faſtigio aera, ut infra radices ſuas  
 eximiorum etiam ſorum ſublimitatem reliquerit. Di-  
 gnum, cui pridem venuſta ſubiectione omnis Hortorum  
 Reſpublica regiam deferret appellationem, hinc eſt ut  
 Gallia ſceptrum quā latè ſeſe porrigit, Lilij decore ex-  
 plicetur; hinc ut per rerum compendia expeditior cur-  
 rat calamus Tuum Illſſm̃e Vicecancellarie Liliū, vici-  
 num ſemper Polono Sceptro, Principatum multis, iure  
 quodam famulantis tibi fortuna, nullā viceſſitudine in-  
 interrupto, ſemper prætulit. Quot hic ſeculorum mo-  
 uenda eſſet memoria, quæ monumentorum euoluenda  
 fides antequam per omnia eniteretur dignitatum fa-  
 ſtigia oratio, quibus Patria Tryznarum Liliū attol-  
 lebat, ne lateret unquam illud, quod vicinā compara-  
 tione longè illuſtrius omnem Salomonis gloriam extin-  
 xerat, toties triumphaturum in Regno noſtro, quoties  
 in TRYZNIS emeritam virtutem ſublimi honorum  
 eminentia, & ultro obiectis dignitatibus Reges appro-  
 bauerunt. Et ſanè ſi quis præteritorum memoriā ſe-  
 culorum auidam ſciendi vellet paſcere curioſitatem,  
 videret Tryznani Lilij decus, quod nulla unquam liba-  
 uit hyems. immutabili temporis linea integram conti-  
 nuare pulchritudinem, & in te tandem tali deſinere  
 maturitate, quæ firmiſſima proſperi ſucceſſus morā, ac  
 perpetuis gloriæ accēſſibus fortunam ab opinione abſol-  
 uat inconstantia niſi forte ideo cuiſpiam inconstans vi-  
 deatur quia nunquam quieſcit indiuidua tuo lateri  
 comes, in quæcunq; culmina Tua Virtute, Maiorum  
 promoueriſ gloriam. Erigant oculos ij quos otium &  
 deſidia lento motu educauit in papauera quibus licet  
 caput ſpectabili globo, non mediocrem adoleuit in glo-  
 bum, & non exiguā in cerebrum intumuit magnitudi-  
 ne, at ignauus ſopor feſtinato puluere preſſit in ſomnū,



*eam, quam Maiorum industria expediuerat ad gloriam, indolem. Tu interim PRÆSVL Illissime, gaude tuorum vigore L iliorum, atq Poëta super ijs canenti, quâ soles benignitate ausculta.*

## O D E

*In Laudem TRIZNARVM Patriam, Remqpubl:  
LILIIIS suis illustrantium.*

ET nostra quamuis proximus inuido,  
Horret Bootes frigore, non truci  
Aspexit æther prata vultu,  
( Sarmata quâ faciles aperto  
Campus retexit gramine limites )  
Quamuis & arcto sæpe gelu hæreat  
Captiua tellus, feriat  
Gratia rara licet Fauoni.  
Tumultuosi bella sed Africi  
Trucesq; Cori turbine mutuo  
Immisceant, & militares  
Instruat inde Notus procellas.  
Hinc se coacta grandine plurimum  
Ferat timendus, seu Aquilo seu  
Flatuq; nimboq; , atq; vtraq;  
Thrax Boreas metuedus alâ:  
Et nos serenâ fronte benignior  
Phæbus reuifit, nec radios comâ  
Spargit per arua tristiore  
Seu rapido vehat hora verum  
Temone fidus, seu nimium tenax  
Labi, citatum præcipitet pedem  
Æstas; superbum densa crinem  
Surrigit ambitiosiores.

At tu



At tu decoro vertice eburneam  
 Extolle frontem Liliū & hispido  
     Subtus iacentem crine terram,  
     Et famulæ tege regna Floræ.  
 Pronam volenti iam tibi Gallia,  
 Frontem recuruat poplite; gemmeo  
     Hære gaudes siue ſceptro,  
     Siue tuis animata turgent,  
 Vexilla ſignis, ſeu vbi Lechicus  
 Rotat ſuperbos Viſtula vortices  
     Aut non reuerſuras fugaci  
     Vilia voluit aquas tumultu  
 Tutis, fidei ſtemmatis in ſinu.  
 Te TRYZNA ſeruat floribus, & comas  
     Quà regias ſcirpus, decenti  
     Explicuit ſpatiatus vmbra.  
 Late per auram. Quantum ibi proximo  
 In aſtra paſſu niteris, arduis  
     Inſiſte cæptis, donec omnes  
     Indomitâ ſpecioſus irâ.  
 Inter ruinas Sarmata, & infimi.  
 Sepulchra mundi ſtabit & omnium  
     Confuſa calcabit tuendus  
     Funera, perniciemq; rerum.

## PATRIÆ HORTVS.

*Immortalitatem ſpondet LILIIS TRYZNARVM.*

ΑΛΛΑ ΑΠΟΘΝΗΣΚΩΣΙ, ΘΑΛΕΙ ΣΟΙ ΛΕΙΡΙΑ ΤΡΙΖΝΑ  
 ΕΥΚΑΛΑ ΟΥ ΑΚΜΗ ΛΕΙΑ Δ' ΑΣΠΙΔΙ ΣΟΙ.

*Item.*

*Vt pereant flores, viuent Tua LILIA TRIZNA,*  
*Pulchra vigore ſuo, Stemmata digna Tuo.*

G

HOR-



## HORTVS ECCLESIAE.

**F**acile patieris Illissime PRÆSVL Hortum, quem ingredimur, præ cæteris, quos spectauimus, vel beata illa veterum Tempe vel Elysium dici. Vt enim Hortus Familiae celebratissimis illis Adonidis hortis conferri, imò præferri possit: ut Hortus Palladis Hesperidum hortos, ipsum quoque Herculem aureis ad se malis pellicientes superet; denique ut Patriæ Reipublicæ Horto Alcinoi, vel pensiles illi Semiramidis horti, inter mundi miracula haud vanè relati, cōcedant; Hortus sanè Ecclesiæ Christi ille erit, cui, ne exaggeratæ quidem veterum fabulæ, quidquam conferendum habent. Cælos quidam de hortis sibi hic faciunt, cum nec astrorum illi ignes magis niteant serena nocte, quam scintillantes micantesque; variè in hortis flores, neque sciunt quid primū voueant? ut toti fiant oculus cum Argo? vel Nasus cum Catullo? ita vtrumque scilicet sensum permulcet hominibus illa hortorum voluptas! (Lipsius lib: 2. Const: c. 1.) Sed quid hæc ad istum Ecclesiæ Hortum? quæ verius Susan, quàm Mauritanii quondam Principem urbium suarum à lilijs appellâris. Videtur sanè ipse Cælorum Imperator Diuine cuiusdam voluptatis gratiâ post primum illum à Protoplastis sedè proditum hortum, hunc sibi struxisse, in quo non fabuloso Deorum sanguine prognati, sed veri Numinis sanguineo imbre irrigati pullulant flores. Quos inter si LILII Principem locum tribuero, sequar vetustissimos ac prope primos Ecclesiæ Conditores Salomonem ac Mosen; quorum iste Dei iussu candelabrum ductile de auro mundissimo fabricatus & aurum & omnes illius partes Lilius adornauit. Exod:25. Ille verò cum geminas ex ære, super omnes colossos, gentiliumque



tiliumq̄ eramenta admirandas columnas ante templum statuisset, super capita Columnarum, opus in modū Lilij posuit, 3. Reg: 7. 22. ut scilicet uterq̄ decus atq̄ ornamentum, & robur atq̄ firmamentum quoddam Ecclesiæ in Lilijs situm non negaret. Non ignarus uterq̄, eum qui istum Ecclesiæ Hortum accinctā extensāq̄ ad opus supremā manu ad perfectionem deducturus erat, & Regis, & Nazareni, id est Floridi, aut Liliati titulo gauisurū. Cuius lectulus quoq̄ floridus scribitur, & velamina, ornamenta, vestes ceteraq̄ de liliis texta. Non desunt qui ob eminentē in isto Ecclesiæ Horto dignitatem, Liliorum appellationē mereantur. Quid enim in eo eminentissimā Pontificum dignitate sublimius? Ad eum Tu Illustissime PROCANCELLARIE dignitatis gradum poterat natura, vel Spiritus tui ductu, dici vocatus, qui inter nobilissime domus insignia Lilia possederis. Poterat in Te aliquis Anchises tuus, feliciorē Maroniano illo Marcellum intueri, & leuiter flexis nominis Tui elementis exclamare.

Tu Marcellus, eris, manibus date Lilia plenis.

Et illud Maronis. Eclog: 4.

Ipsa Tibi blandos fundunt cunabula florēs.

Sed Tu memor semper illius Virtute decet non sanguine niti, Sapientia magis ac virtute ad sacra honorum subsellia enitendū Tibi censuisti. Ecce autem! cum ad Trocensem & Geranensem, Mallensis Insula accessisset, Illustissimo ac Reuerendissimo D. ABRAHAMO WOYNA in amplissimo Ecclesiæ Vilnē: Horto, Adiutor lectus es; Deo ita providente, ut cum vigilantissimus ille Pastor, non pastorali minus Pedito, quā gentilitiis Tubis, quasi Cornibus & classicis venatoriis, feras Christi vineam, infestantes, feliciter exturbasset. Tu gregem Christi ad gentilitia florum Tuorum pascua recreares.



# ODE DICOL: DISTROPH:

**H**inc Thraces animæ procul,  
 Hinc ad Parrhasiæ limina Patriæ.  
 Plenis ite volatibus,  
 Neu hac immodicus sibilet Africus.  
 Quæ TRIZNÆ viridarium  
 Orbi liligeras explicat areas.  
 Hinc multâ face torridus  
 Et prægnans epulo Sirius igneo, &  
 Gætulæ rabies feræ  
 Stellatæ reuehant plaustra superbiæ.  
 Roris Lilia lacrymas  
 Vdarumq; volunt pocula Noctium.  
 Quæ vel depluat Hesperus,  
 Vel Titan vitreo promat ab æquore.  
 O florum nemus inclytum!  
 O præclara spei symbola Lilia!  
 O messis niuis æmula!  
 Qualem nec Pharij gleba ferax soli  
 Nec sæcundus Arabs opum  
 Olim diuitibus condidit horreis.  
 Hæc plantata Trocensibus  
 Argentum simulant lilia turribus  
 Hæc altaria Virginis  
 Grato thurificant semper anhelitu.  
 Hæc ipso gremio poli  
 Audent non humilem figere verticem.

10TH: UNIV.



AGELLONICAE

LILIA TRYZNARVM.


*In Horto Ecclesiæ florentissima.*

ΛΕΙΡΙΑ ΟΥΤΙΣ ΟΡΑ ΘΑΛΛΑΟΝΤΑ ΕΝ ΑΣΗΙΑΙ ΤΡΙΖΝΟΥ,

ΛΕΙΡΙΑ ΚΕΙΝΟΣ ΟΡΑ ΚΑΙ ΑΜΑ ΗΛΥΣΙΟΝ.

*Idem.*

*Lilia qui spectant vernantia stemmate TRYZNÆ,  
 Ille quidem cernit Lilia & Elysum.*





Handwritten text in a cursive script, likely a library or archival record, running vertically along the left edge of the page.





